



Inatsisartunut ilaasortaq Jens B. Frederiksen
/MAANI

Qaleralinnik pisassiissutaaqqittunik agguaneq pillugu

Inatsisartut suleriaasianni § 36, imm. 1 naapertorlugu matumuuna Naalakkersuisu-
nut ima apeqquaqartoqarpoq:

Sigguk A/S-imut qaleralittassiineq pillugu apeqquaq:
(Inatsisartunut ilaasortaq Jens B. Frederiksen, Demokraatit)

Aallaqqaasiut

Nunatta kitaata avannaani qaleralittassat ilassutaannik 2.425 tonsiusunik agguaanermut tunngatillugu apeqququtinnut qulingiluaasunut qujanaq. Tulliuttuni apeqququtitit akineqassapput. Illit iserfigeriikkattut Johan Lund Olsenip apeqququtaata aggustip ulluisa arfineq aappaanni akisama assinganik apeqquqartoqarunarpoq. Apeqququtitit atuarakkit taakku ilaatigut apeqququtaareersunut akissutinnut tulluarput assinganilluunniit akisariaallutik. Apeqququtaareersunut akissutit matumani innersuussutigaaqka.

Aallaqqaasiutigalugu ingerlatseqatigiiffiup aqqissugaanera Johan Lund Olsenimutulli erseqqissaatigisariaqarpara.

Pisassiissutit "Sigguk Kapital Grl ApS"-imut Uummannap Upernaviullu kommunianni ingerlatseqatigiiffinnit sisamanit inunnillu marlunnit pigineqartumut 1.825 tonsinik agguataarneqarput. 1.825 tonsit taakku ingerlatseqatigiiffik "Sigguk Grl A/S" aqqutigalugu aalisarneqassapput. Taasariaqarpoq "Sigguk Kapital Grl A/S"-ip "Polar Suluppaagaq A/S"-iusimasup (maanna Sigguk Grl A/S-iusup) 50 %-ia pigilermagu.

- 1. Polar Seafood A/S-ip Sigguk A/S-imik, taassuma pinngornerata kingorna, piginneqataanerani, Kalaallit Nunaanni aalisarnermi**

25.08.2006
j.nr. 01.20.06/EM2006
64.21/06
Postboks 1029
3900 Nuuk
Oq/tel +299 34 50 00
Fax +299 32 20 73
aapip@gh.gl
www.nanoq.gl

nutaamik inuttaqalersimaneranik ersiummik Naalackersuisut takusaqarsinnaappat, avataani qaleralittassat pillugit apeqqtinni akissut malillugu?

Oqaatigineqassaaq suliaq taanna pillugu akissutit siusinnerusukkut tigusimasatit suliap suli ingerlanerani akissutaammata. Aallaqqaasiummi oqaatigineqartutut "Sigguk Kapital Grl ApS" Uummannamit Upernaviullu kommunianit qinnuteqartunit pigineqarpoq. Qinnuteqartut taakku avataani qaleralinniartut nutaajupput. Ilumoorporli "Sigguk Grl A/S"-ip, ingerlatseqatigiiffiup pisassiissutinik aalisartussap affaa umiarsuaatileqatigiiffioreersumit pigineqarmat. Tamanna Ataqtigiissaarinermut Ataatsimiititaliamit 19. juni 2006-imi akuerineqarpoq.

- 2. Naalackersuisut uppersarsinnaavaat selskabit sinnerisa piginnit-tai, Sigguk A/S-ip pinngornerani pigineqataalersut, aalisarnermut inatsimmi § 6, imm. 4, normu 3-mi piumasaasunik naammassinnit-tuunersut, selskabemi aningaasaatigisat affaasa sinneri inuussutis-sarsiutigalugu aalisartunik toqqaannartumik toqqaannartuunngit-sumilluunniit pigineqartussaananeriniq piumasaqaatilik, tassanilu piumasaqaataapput imm. 3, nr. 1-3?**

Naatsorsuutigaara pisassiissutinik agguataarineq aallaavigalugu tamanna apeqqtigineqartoq taamaattumillu "Sigguk Kapital Grl ApS"-imut tunngalluni, aallaqqaasiutigineqartoq takuuk. Uummannap Upernaviullu kommunianni ingerlatseqatigiiffiit sisamat inuilla taakku marluk § 6, imm. 3, nr. 1-3-mik naammassinnipput, tassa imaappoq:

- Inuit taaneqartut tamarmik nunatsinni inuiaqatigiinnut aalajangersimasumik attaveqartuupput.
- Inuit taaneqartut tamarmik Nunatsinni inuit nalunaarsorsimaffianni najugaqartuupput ukiunilu kingullerni marlunni taamaassimallutik.
- Inuit taaneqartut tamarmik Nunatsinni tamakkiisumik akileraartartuupput ukiunilu kingullerni marlunni taamaassimallutik.

- 3. Tamanna uppersarneqarsinnaappat kissaatigineqarpoq aalisarner-mut inatsisip aalajangersagartaata nalunaajarneqarnissaa, nassuiar-neqarnissaa oqaatigineqarnissaalu, qanoq Sigguk A/S-ip pinngorne-rani piginnittut immikkut tamarmik ataasiakkaarlutik, Polar Seafood A/S-i minillugu, aalisarnermut inatsisit piumasaqaataanik naammas-sinnissinnaasimanersut?**

Aalisarneq pillugu inatsimmi § 6, imm. 3, nr. 1-3-lu naammassineqarput ima:

- a. Nunatsinni inuiaqatigiinnut aalajangersimasumik attaveqarnikkut.

- b. Nunatsinni inuit nalunaarsorsimaffianni najugaqarnikkut ukiunilu kingullerni marlunni nalunaarsorsimanikkut
- c. Nunatsinni tamakkiisumik akileraartartuunikkut ukiunilu kingullerni marlunni akileraartartuusimanikkut.

Pisortaqaarfimmut ilisimatitsissutigineqartut naapertorlugit tamanna inunnut peqataasunut imaluunniit "Sigguk Kapital Grl ApS"-imi ingerlatseqatigiiffinnik pineqartunik piginneqataasunut tamanut atuuppoq.

4. Aalisarnermut inatsisit saniatigut, nalunaarutini aalajangersakkat oqaatigisat, kinaassusersiunngitsuusut ilanngullugit, aningaasaqarnermut periaatsinik allaffissornermilu piumasarisat pisassarititanik tunisaasinnaanngitsunik agguaassinermit atatillugu Naalakkersuisunit atorneqarnersut. Taamaattoqassappat Naalakkersuisunut piumasarineqassaaq ingerlatseriaatsinik aalajangiinermilu tunngavigisanik nalunaarsuinissaq. Tamanna ajornanngippat skematut isikkulerlugu?

Aalisarnerq pillugu inatsimmi siunertatut aalajangersakkat paasiuminaatsorujussuupput. Taamaattumik sukumiinerusumik "naliliiffiusunik" nassuiaateqartinneqakajuttarput. Assersuutissaavoq aalisarnerq pillugu inatsimmi piujuartitsinissamik tunngaveqarluni aalisakkanit pisuussutinik iluaqutiginninnissamik siunertaqarneq. Tamanna uumasoaqatigiit amerlassusaat amerliartornerallu uumassusilerinikkut naliliiffigineqarnerat aallaavigalugu TAC-mik ukiumoortumik aalajangersaasarnikkut malinneqarpoq.

Pisassiissutinut tunineqarsinnaasunut tunngatillugu imatut periuseqartoqanngilaq tunngaveqartoqaranilu. Pisassiissutinilli tunineqarsinnaanngitsunik agguaanermi pingaarnertut tunngaveqarpoq: Tunniussiffigeriikkat tunniussiffigeqqinneqassapput. Matumani pineqarpoq pisassiissutit umiarsuaatileqatigiiffimmut aalajangersimasumut tunniunneqartut siunissami umiarsuaatileqatigiiffimmut pineqartumut tassunga tunniuteqqinneqarnissaat naatsorsuutigineqartoq. Tamanna atuutissanngilaq pisassiissutit sinnerlugit pisaqartoqarsimappat imaluunniit pisassiinermi piumasaqaatigineqartut tunngavigineqartullu unioqqutinneqarsimappata. Taamatut tunngaveqarnermi siunertaavoq pisassiisarnermi siumut naatsorsuuteqareersinnaanissaq kiisalu aalisartut sippulimmik aalisarnissamut aningaasaliisinnaajunnaarsinnissaat, tassa aalisapilunnikkut aatsaat akilersinnaasumik aalisartoqalinnginnissaa.

Tamannali aalisarnerq pillugu inatsimmi tunngavippiaasut ilaannut tulluarterujussuuvoq: Tunniussat pisuussutit tunngaviannut naleqqussarneqassasut.

Tamatuma saniatigut qinnuteqaatit takkuttut suliarineqarnissaannut aqutsinikkut piumasaqaateqartoqarpoq.

Pisassiissutit ilaneqartillugit taamatutaaq qinnuteqaatit takkuttut suliarineqarnissaannut aqutsinikkut piumasaqaateqartoqartarpoq. Aammattaaq aalisarnerup pineqartup ingerlarnga, pisassiissutaaqqittut amerlassusaat inuussutissarsiortullu namminneq pisassiissutaaqqittuni periarfissanik naliliinerat soorunami misissorneqassapput.

Taamaattorli pilersaarusiarnut ataatsimut isigalugu naliliineq tunngavigineqartarpoq.

- 5. Qulaani allassimasut Naalakkersuisunit uppersarneqarsinnaap-pata, paaserusunneqarpoq, uani pisami Naalakkersuisut qanoq ilil-lutik, pisassiissutiminnik agguassinerminnut atatillugu, aningaasa-qarnermut periaatsinik allaffissornerullu isikkuanik, naligisarsiuungit-sumik aalajangiinermi tunngavinnik, sanequssisinnaasimanersut?**

Apeqqut 4 aamma 9 takukkit

- 6. KNR-ip nittartagaani sapaammi 25. juni 2006 Direktørp Henrik Leth-ip pisassiinernut atatillugu malittarisassanik aalajangiinermilu tunnga-vissanik erseqqissunik ujartuinini pillugu allappoq. Naalakkersuisut pisaq pillugu Direktørimit Henrik Leth-imit isumaqataangillat?**

Qinnuteqartunut ukiumoortumik agguanneqartartut assigiinnapajaartarput. Tamatuma saniatigut apeqqummi 4-mi tunngavigineqartoq taaneqartoq malillugu umiarsuaatileqatigiit ukiup tulliani pisassiissutissanik naliliinissaminnut periarfissagissaartinneqarput, tassami pisassiissutit tamarmiusut ikilinerisigut aatsaat ataasiakkaanut pisassiissutit ikilineqarsinnaasarsimmata. Apeqqutinnili siunertarisatit paasillaarsinnaavakka. Tamatumunnga atatillugu Naalakkersuisut isummernissaannut tunngavissiaq 17. maj 2006-imeersoq siulittaasup aalajangiiffigisaa innersuussutiginiarpara:

"- TAC-nit akuersissutaasunut ilanngunneqanngitsuni avataasiortunut pisassii-soqassanngitsoq aammalu misiliilluni aalisarnissamut akuersissuteqartoqassan-ngitsoq.

- Suleqatigiissitaliortoqassasoq saarullit utissappata iluaqutiginiarnissaasa piler-saarusiornissaat anguniarlugu.

*- **Tamakku saniatigut suleqatigiissitap suliasarissavaa inatsisit naaper-torlugit aalajangersimasunik piumasaqaateqarluni siunissami avataasiortuluni pisassiissutit agguanneqartarnissaannut siunnersuusiussalluni.***

- Saarullinnut raajanullu ingerlatsiveqarnissamut pilersaarusiortoqassasoq.

Avataasiortunut pisassiissutit siunissami agguataarneqartarnissaanni avataasior-tunut pisassiissutit tamarmik pineqarput saarullinnuinaq tunngatinnagu. Taamaa-

lilluni matumunnga sulisoqalereerpoq avataasiortunut siunissami pisassiissutis-sanut soqutigisarsiunngitsumik tunngavinnik aalajangersaaviusussamik.

7. Baffin Bugt-imi qaleralinnik pisassaqarusullutik qinnuteqarsimasut sinnerisa paasitinneqarneranni, Naalakkersuisut pisassiissutissanik agguaassinerminnut atatillugu aalajangiinerminni tunngavinnit sorlernit, pingaartitaqarsimanersut – Naalakkersuisullu qinnuteqaatinut itigartitsinerminni, inuiaqatigiinni suut qajassuutassatut pissutissaqarsorisimavaat?

”TAC-nik inaarutaasumik agguataarineq”-up akuerineqarnerani Nunatta kitaata avannaani pisassiissutit ilassutaannik agguataarineq pillugu makku eqqaaneqarput:

Pisortaqarfik naliliivoq maanna umiarsuaatileqatigiiffiit naleqquttumik pisassinneqarsimasut.

Qaleralittassiinermut uumassusilerinikkut siunnersuisarnerup ilisimaneqalereer-nerani qinnuteqartut ilaanni pisat tamakkiisumik tulaanneqartarnissaat saaneeraa-jarneqartarnissaallu neqeroorutigineqarpoq. Tamanna pisassiissutinik tunniussiner-tut pingaaruteqartutut erseqqissarneqarpoq.

Pineqartoq kingulleq taamaalilluni erseqqissarneqarpoq kiisalu naalakkersuisut isummernissaannut tunngavissiami apriliip ulluisa arfernanneersumi piumasaqaa-tinut tunngavigisanullu aalajangiisuulluni.

Qinnuteqartunut itigartinneqartunut tamanut allakkatigut itigartitsisoqarpoq, allak-kani allassimalluni pisassiissutit Uummannap Upernaviullu kommunianni qinnute-qartunut tunniunneqarsimasut. Inuiaqatigiinnut tunngatillugu tunngavilersuuteqar-toqarsimangilaq.

8. Pisassarititassanik agguaassineq ingerlanneqarmat tunuliaqutaa-simava Aalisarnermi siunnersuisartut isumaqatigiinnerat. Naaggaarneruppat, taava nalunaarutigeqquneqarpoq, Aalisarnermi siunnersuisartut ilaasortai qassit akerliusimanersut.

Imaappoq, Aalisarneq pillugu Inatsisartut inatsisaanni § 32, imm. 3 naapertorlugu Aalisarneq pillugu Siunnersuisoqatigiit suliat tamatigoortut pillugit tusarniaaffigi-neqartarlutik. Aalisarneq pillugu Siunnersuisoqatigiit qinnuteqaatinik aalajangersi-masunik inassuteqarneq ajorput. Nunatta kitaata avannaani 2.425 tonsinik pias-seeqqinnermut tunngatillugu qaleralittassat malittarisassanik sorlernik tunngave-qarluni agguanneqarnissaat pillugu Aalisarneq pillugu Siunnersuisoqatigiinni isu-maqatigiinngittoqarpoq. Taamaattumik tamanna pillugu isummat pingasut taane-qarput, taakkulu ataani issuarneqarput:

”4. Oqaatigineqartutut Aalisarneq pillugu Siunnersuisartoqatigiit suliami isumaqati-giillutik inassuteqarsinnaasimanngillat, taamaattumillu isummat ilaatigut imminnut assortuussinnaasut imaattut Naalackersuisunut saqqummiunneqarnissaat kissaati-gineqarpoq (tullerriaarneri salliutitsiniarnertut paasineqassanngillat):

a. Pisassiissutit annertunerusumik annikinnerusumilluunniit tulaassassatut isiginiar-tariaqarput. Nerpiliorneq siunertaralugu tulaassuinermi nunami suliffissaqartitsini-arnermut annertungaatsiartumik sunnuteqassapput.

b. Pisassiissutit pisarnertut umiarsuarni nioqutissiorfiutigisuni nioqutissiarineqar-tussatut tunniunneqarsinnaapput, tamannali nunami annertunerusumik suliffissa-qartitsinermik kinguneqassanngilaq, illuatungaatigulli 4.a-mut naleqqiullugu angal-latinut ingerlatsisunut annertunerusumik isertitaqarsinnaanermik kinguneqassalluni.

c. Pisassiissutit aalisagaqatigiiaat assigiinngitsut maannamut kilisaatinit raajarniu-tinit nioqutissiortunit aalisarneqalersinnaanerannut atorneqarsinnaapput. Sulisoqarnermut atatillugu 4.b-mi pineqartutut kinguneqartussaassaaq, kisiannili tunngavilersuut manna isiginiqquneqarpoq; saarullik nunatsinnut utersaariapat uumasunik ilisimatuut naliliinerat tunngavigalugu ima raajanik amerlatigisunik nerisaqassapput, allaat raajarniarnermut maanna ingerlanneqartumut piviusut tunngavigalugit aarlerinartorsiortitsisinnaallutik.

9. Pisassarititassanik agguassineq uani eqqartorneqartoq ingerlanneqarsimava Aalisarnermut Piniarnermullu Naalackersuisoqarfimmit Naalackersuisut oqallisissatut innersuussutitut saqqummiussaataq tunngavigalugu? Naaggaartoqarpat, paaserusunneqarpoq, aningaasaqarniarnermut, inuiaqatigiinnermut tunngasutigut suliffissaqartitsiniarnermullu iluaqutaasinnaasussatut suut Naalackersuisunit naliliiffigineqarsimanersut iluaqutaasussatut, pisami allaffissornikkut siunnersuisimaneq eqqarsaatigissanngikkaanni? Akissutissatut perusunngilara, Naalackersuisut isummiussami saneqqussisinnaasimanerat allaffissornikkut siunnersuinerat tunngaveqartoq piviusumik politikkikkut naliliinermik. Kissaatigivarali akissummi oqaatigeqqullugu tullerriaqqullugulu, pissutsit piviusorpalaartut sorliit, piviusorsiorneq pillugu aqutsinermi inatsisitigut piumasarisat malillugit, Naalackersuisunit pingaartinneqarsimanersut, allaffissornikkut siunner-suinermit saneqqussineq pisumi pitsaaneruset Naalackersuisunit isigineqarsimappat.

Aalisarnermut, Piniarnermut Nunalerinermullu Pisortaqarfimmit naalackersuisut isummernissaannut tunngavissiami 6. april 2006-imeersumi inassuteqaatit tunuliaqutaralugit pisassiissutinik agguasoqanngilaq.

Tamatuma saniatigut Johan Lund Olsenip apeqqutaanut 1-imut 7. august 2006-imi akissutigineqartoq innersuussutigineqarpoq.

Ikinngutinnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq